

len wie die alannischen gebrandt / v̄c mitt wasser gemengt werdē / die langē soll in der pleyenē pfannen bis sie zū kupfferwasser werdt / gsorten sein. Wiewol sie auß diesem das alann vnd kupfferwasser oft mitt einander machend / ist aber kein wunder / dan die säfft seindt oft einerley natur / dan allein in diesem vnder scheiden / daß diß weniger / das ander mehr jrdisch seye. Aber solche kiz / so etwas metals in ihnen ist / sollen auch in den öfen gschmelzt werden / zügleicher weiß / auß der anderen so mitt dem kupfferwasserigen vnd metallischen vermischet / sol kupfferwasser vnd metall gemacht werden. Ja auch wan die geng viel kupfferwasserige kiz habēdt / so zerspaltendt etliche bergkient kleine beum in der mitte von einander / vñ zerhawendts widerumb in so lange teil / als breit die fel ort vnd stollen / in welchen sie die selbigen in die quar legendt / dieweil sie aber die selbigen von wegen der vheste also auff die erdt spreitten / daß der vorder teil breit seye / der hinder teil ront / vnden mögendt sie etlicher massen züsamen gefüget werdenn / oben aber nicht : die mittel weitte so da lähz ist / füllendt sie mitt kiz / vnd eben auff dise vnd auff die scheitter / werffen sie kiz so zerstoßen ist / daß denen so hinein / vnd heraus ghendt / der weg eben vñ gleich seye. Dise kiz wan die felort oder stollen von wasser naß seindt / so wachset auß ihnen kupfferwasser / vñ das diesem zügethon ist / wan aber das wasser auff hört herab zütropffen / so wirt es dürr vnd hart / vñ auß den schlechten zügleich mitt dem kiz / das noch nicht vō wasser ist abgelöst / gezogen / oder so auß den stollen gfürt / werffendt sie dasselbig in die böttten oder trög / vñ lösendt das kupfferwasser so darauff gossen / vnd lassendt ein wasser durch den kiz lauffen / welche grüne langē / sie in andere böttten oder reich giessendt / daß sie klar vnd sauber werden / diß siedendt sie darnach in pleyenē pfannen so lang bis es dick wirt / bald giessendt sie dasselbig in hölzern vñ äß / da es an pāsenen strick od stenglen oder zweyglin anhanget / zū grün kupfferwasser wirt. Aber der schwefel wirt auß gschwefelten was fern gmacht / auß gschwefeltē gengen ärtz / auch auß geschwefelten vermischten dingē / das wasser soll zwar in die pleyenē pfannē getragen werdē / vnd so lang gsortē bis es zū schwefel werde. Auß diesem vñ dē eisern hamerschlag / so züsamen gsorten / vnd in die krüg gossen / vnd darnach mitt gemachte gālen schwefel / vnd mitt leim verstrichen / wirt ein anderer gmachter schwefel / den wir Caballinum heissendt oft gmachtet / das ärtz aber welchs garnach auß schwefel vñ erden ist / auß anderen dingen die man grebt gar selten / soll in weitten jrdischen tōpffen gsorten werden / die öfen die zwen halten sollen / müssendt in drey teil geteilt sein / vnder welche das vnderst eins werckschüch hoch danomen ein müdtloch haben soll / darin man blasen möge / oben aber mitt blatten bedeckt / die gegen den seitten durchort seyendt / welche die eisern stāb halten sollen / sie aber die scheitter / so in dē öfen gelegt / das mittel teil soll anderthalbē werckschüch hoch sein / welchs danornē auch ein aug haben sol / daß also die scheitter in öfen glegt mögen werdē / oben soll er stabeisen haben / auff welche der boden eines jetliche tōpffens möge gsetzt werden : das oberst teil soll garnach zwen werckschüch hoch sein / aber ein jetlicher topff soll auch zwen werckschüch hoch sein / vñ eins fingers dick / ein jetlicher soll vnderem mundtloch ein lange schnauzē haben / aber eng / vnd welche auch mitt ein jrdischen deckel also gemacht / bedeckt sein soll / daß er das mundtloch des topffs bedecte / vnd in den selbigē ein wenig gschlossen seye. Zū zweyen jrdē tōpffen dererley art müß man einen haben / der einer größe vñ ggestalt seye wie dise seindt / aber sie müssendt kein schnauzen haben / sonder drey löcher / vnder welchen zwey / die vnderen mundtlöcher / die zwo schnauzen der zweyen tōpffen empfangen sollendt / auß dem dritten das da ist gegē über am boden / soll der schwefel heraus fließen / jeden öfen sollen mitt zweyen tōpffen / denen schnauzen seindt / darin gsetzt / mitt blatten bedeckt / vnd mitt leim zweyer finger dick verstrichen / vnd ganz vnd gar mitt denen zweyē tōpffen zügeschlosssen sein / allein zwey oder drey luftlöcher außgenomen : es sollē auch die mundt-

löcher

¶

Caballinum